



БАГАХАНГАЙ ДҮҮРГИЙН
ЗАСАГ ДАРГЫН ЗАХИРАМЖ

2023 оны 10 сарын 27 өдөр

Дугаар 0608

Улаанбаатар хот

“Шүд угаалтын аварга” шалгаруулах
тэмцээн зохион байгуулах тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 62 дугаар зүйлийн 62.1.1, 66 дугаар зүйлийн 66.1 дэх хэсэг, Эрүүл мэндийн тухай хуулийн 11 дүгээр зүйлийн 11.2, Төсвийн тухай хуулийн 41 дүгээр зүйлийн 41.2.2 дахь заалт, Улсын Их Хурлын 2020 оны “Алсын хараа 2050” Монгол Улсын урт хугацааны хөгжлийн бодлого батлах тухай” 52 дугаар тогтоолын 1 дүгээр хавсралтын зорилт 2.2 дэх хэсэг, Сангийн сайдын 2021 оны 61 дүгээр тушаалын хавсралтын 2.1.5 дахь заалтыг тус тус үндэслэн ЗАХИРАМЖЛАХ нь:

1. Дүүргийн Засаг даргын 2020-2024 оны үйл ажиллагааны хөтөлбөрийн 2.1.6 дахь заалтад тусгагдсан “Эрүүл шүд-Эрүүл хүүхэд” арга хэмжээний хэрэгжилтийг хангах зорилгоор дүүргийн “Шүд угаалтын аварга” шалгаруулах тэмцээнийг 2023 оны 11 дүгээр сарын 18-ны өдөр зохион байгуулсугай.

2. Тэмцээн зохион байгуулах ажлын хэсгийг нэгдүгээр, удирдамжийг хоёрдугаар, хөрөнгийн төсвийг гуравдугаар хавсралтаар тус тус баталсугай.

3. Арга хэмжээнд зарцуулагдах 2,455,400 (Хоёр сая дөрвөн зуун тавин таван мянга дөрвөн зуу) төгрөгийг Засаг даргын нөөц хөрөнгөөс гаргахыг Засаг даргын Тамгын газрын Ерөнхий нягтлан бодогч (С.Баасанхүү)-д зөвшөөрсүгэй.

4. Тэмцээний бэлтгэл, бэлэн байдлыг хангаж ажиллахыг Эрүүл мэндийн төв (Х.Ганбат), арга хэмжээний нээлт, хаалтын арга хэмжээ, хөгжим техник хэрэгслээр хангаж ажиллахыг Соёлын ордон (Б.Алтанцоож), хүүхдүүдийн оролцоог хангаж ажиллахыг “Хангай” цогцолбор сургууль (Э.Соёмбобат)-д тус тус үүрэг болгосугай.

5. Энэхүү захирамжийн хэрэгжилтэд хяналт тавьж ажиллахыг дүүргийн Засаг даргын Эдийн засаг, нийгмийн хөгжлийн асуудал хариуцсан орлогч (Б.Болормаа)-д даалгасугай.

ЗАСАГ ДАРГА



А.СҮХБОЛД

Нийслэлийн Багахангай дүүргийн Засаг даргын
2023 оны 10 сарын 17 ны өдрийн 170 дугаар
захирамжийн нэгдүгээр хавсралт



**“ШҮД УГААЛТЫН АВАРГА” ШАЛГАРУУЛАХ ТЭМЦЭЭН
ЗОХИОН БАЙГУУЛАХ АЖЛЫН ХЭСЭГ**

Ажлын хэсгийн

ахлагч: Б.Цогжавхлан

Гишүүд: Ш.Баасансүрэн
Д.Оюунгэрэл

Б.Алтанцоож
Э.Соёмбобат

Б.Нямгарав

Г.Батмөнх

Д.Дашдэлэг


Засаг даргын Тамгын газрын
Нийгмийн хөгжлийн хэлтсийн дарга
Боловсролын хэлтсийн дарга
Гэр бүл хүүхэд залуучуудын хөгжлийн
хэлтсийн дарга
Соёлын ордны захирал
Хангай цогцолбор сургуулийн
захирал
Засаг даргын Тамгын газрын
нийгмийн хөгжлийн хэлтсийн
мэргэжилтэн
Засаг даргын Тамгын газрын хэвлэл
мэдээлэл хариуцсан мэргэжилтэн
Эрүүл мэндийн төвийн хүүхдийн эмч

Нарийн бичгийн

дарга: Х.Ганбат

Эрүүл мэндийн төвийн дарга

Нийслэлийн Багахангай дүүргийн Засаг даргын
2023 оны 10 сарын 17 ны өдрийн 4258 дугаар
захирамжийн хоёрдугаар хавсралт



“ШҮД УГААЛТЫН АВАРГА” ШАЛГАРУУЛАХ ТЭМЦЭЭНИЙ УДИРДАМЖ

Үндэслэл: ДЭМБ-аас 2000 онд шүд цоорох өвчнийг олон шалтгаант халдварт өвчин хэмээн халдварт өвчний ангилалд оруулсан байдаг. Нийслэлийн хэмжээнд хийсэн судалгаанаас үзэхэд сургуулийн өмнөх болон сургуулийн бага, дунд ангийн хүүхдийн дунд шүд цоорох өвчний тархалт 2011 оны байдлаар 65-96 хувьтай байсан бөгөөд өнөөдөр ч энэ тоо буурахгүй хэвээр байна. Хүүхдүүдийн дунд шүд цоорох өвчний тархалт 86,2 хувьтай, шүд цоорох өвчний эрчим 6,2 цла/ш ДЭМБ-ын шалгуур үзүүлэлтээр үнэлэхэд өндөр түвшинд байна. Дүүргийн хэмжээнд ч энэ үзүүлэлт өндөр байна. Шүдний өвчлөл нь бүх өвчний үндэс суурь болж байгаа тул өвчлөлөөс урьдчилан сэргийлэх шаардлагатай.

Зорилго:

1. “Алсын хараа-2050” Монгол улсын урт хугацааны хөгжлийн бодлого, Нийслэл, дүүргийн Засаг даргын 2020-2024 оны үйл ажиллагааны хөтөлбөрийг хэрэгжүүлэх
 2. ЭМЯ-наас дэвшүүлсэн “Зонхилон тохиолдох өвчнөөс сэргийлэх, иргэдэд эрүүл идэвхтэй амьдрах эрүүл зан үйлийг төлөвшүүлэх” зорилтыг хэрэгжүүлэх
 3. Дүүргийн Засаг Даргын “Амны хөндийн өвчлөл бууруулах” 2023 оны төлөвлөгөөг хэрэгжүүлэх
 4. ЕБС-ын хүүхдүүдийн амны хөндийн эрүүл мэндийн боловсролыг дээшлүүлэх, шүд угаах зөв аргачлалыг эзэмшүүлэх, шүд угаахын ач холбогдлыг олон нийтэд танилцуулах, сурталчлах
- Нэг: Зохион байгуулалт, хамрах хүрээ

Зохион байгуулагч:

- ⬇ Засаг даргын Тамгын газар
- ⬇ Эрүүл мэндийн төв
- ⬇ Нийслэлийн Шүд, эрүү нүүрний төв
- ⬇ Хангай цогцолбор сургууль

1.1 Тэмцээн 2023 оны 11 дүгээр сарын 18-ны өдөр Хангай цогцолбор сургуулийн хичээлийн 1 дүгээр байрны Биеийн тамирын зааланд зохион байгуулагдана.

2.2 Тэмцээнд Хангай цогцолбор сургуулийн 9-12 насны буюу 4-7-р ангийн сурагчид хамрагдана. 4,5-р анги, 6,7-р анги гэсэн ангиллаар өрсөлдөнө.

1.2 Анги тус бүрээс шүд угаах зөв дадалд суралцсан болон шүдний өвчлөлгүй 6 хүүхэд 1 баг болж оролцоно.

1.3 Тэмцээнд оролцох ангийн эцэг эх, асран хамгаалагч болон, сурагчид “Шүд угаах” зөв дадлын талаар сургалтад хамрагдсан байна.

1.4 Тэмцээн сүлд дуутай, лого тэмдэгтэй байна.

1.5 Ангиудын хувцаслалт жигд, багийн нэртэй байна.

1.6 Тэмцээн өртөөчилсөн байдлаар зохион байгуулагдана. 5 өртөөтэй байна.

1-р өртөө: Хүлээх хэсэг


2-р өртөө: Шүд угаалтын онолын тест бөглөх, жигнэмэг идүүлэх хэсэг

3-р өртөө: Шүд угаалт, шүдний утас хэрэглэх, шүд угаалтыг хянах, оноо өгөх хэсэг

4-р өртөө: Шүдний өнгөр шалгаж будах хэсэг

5-р өртөө: Шүдний гадаргуу дээрх өнгөр үнэлэх хэсэг

1.7 Шүд угаах тэмцээнийг доорх зураглалаар явуулна



1.8 Өртөө бүр 6 хэсэгтэй. 1-р өртөөнд 12 багш сурагчдаа зохион байгуулна.

1.9 2, 3, 4,5 -р өртөөн дээр 4 шүүгч, 20 хяналтын ажилтан ажиллана

1.10 2-р өртөөний шүүгч ЗДТГ, БХ, ГБХЗХХ-ийн мэргэжилтнүүд байна.

1.11 Бусад өртөөний шүүгч эмч, эмнэлгийн ажилтан байна

1.12 1-р өртөө: Хүлээх хэсэг. Багш багуудыг хувцсаар жигдрүүлж, багийг бэлтгэнэ, эмх цэгцтэй бусдад саад учруулахгүй байлгах үүргийг хүлээнэ.

1.13 2-р өртөө: Сурагчид шүд угаалтын талаарх 5 асуулт бүхий онолын тест бөглөж, шүдийг санаатайгаар бохирдуулах зорилгоор жигнэмэг иднэ

1.14 3-р өртөө: Шүдээ Бассын аргаар оогүйгээр угааж, шүдний завсрыг шүдний утсаар цэвэрлэн шүд угаалтыг үнэлүүлнэ

1.15 4-р өртөө: Шүдний гадаргуун дээрх өнгөрийг тодорхойлохдоо будагч бодис бүхий шахмалыг шүдний бүх хэсгээр сайтар зажлуулна, зажлах явцдаа залгихыг хатуу хориглоно

1.16 5-р өртөө: Шүдний гадаргуу дээрх өнгөрийг эмч нэг удаагийн багаж хэрэгсэл ашиглан үзлэг хийж тусгай үнэлгээний хуудсаар үнэлж оноог нэгтгэнэ

1.17 Нэг өртөөн дээр 4 минут, нийт нэг баг 20 минут зарцуулах ба энэ хугацаанд тэмцээний сүлд дуу 2 удаа явна

Хоёр: Тэмцээний дүн гаргах, шалгаруулах журам

2.1 Тэмцээнд оролцсон нийт багаас 5 өртөө + ангийн багшийн оноо = нийлбэр оноогоор тэргүүлсэн ангилал тус бүрээс 2 багийг шалгаруулж байр эзлүүлнэ.

2.2 Хамгийн өндөр оноо авсан ангилал тус бүрээс 1 сурагчийг шалгаруулж шагнана.

2.3 Хувцаслалт, зохион байгуулалт сайтай насны ангилал тус бүрээс 1 багийг шалгаруулна

2.4 Ангийн багшийн үнэлгээ: “Шүд угаах зөв дадал”-д эцэг эх асран хамгаалагч нарын сургалтад хамруулсан эцэг эхийн тоо, сургасан байдалд үнэлгээ өгч багийн дүнд нэмж тооцно.

Нийслэлийн Багахангай дүүргийн Засаг даргын
2023 оны 10 сарын 27 ны өдрийн 1508 дугаар
захирамжийн гуравдугаар хавсралт

“ШҮД УГААЛТЫН АВАРГА” ШАЛГАРУУЛАХ ТЭМЦЭЭНД
ЗАРЦУУЛАГДАХ ТӨСӨВ

№	Материалын нэрс	Хэмжих нэгж	Тоо хэмжээ	Нэгжийн үнэ (төг)	Нийт үнэ (төг)
1.	Сойз	ш	150	3500	525,000
2.	Шүдний утас /50-100м/	ш	5	5000	25,000
3.	Ус	ш	20	1000	20,000
4.	Нэг удаагийн аяга	ш	200	100	20,000
5.	Салфетик /нойтон/	ш	72	1500	108,000
6.	Салфетик /хуурай/	ш	5	5000	25,000
7.	Үзлэгийн нэг удаагийн толь	ш	72	5000	360,000
8.	Үзлэгийн гэрэл	ш	6	16,000	96,000
9.	Гарын шингэн саван	ш	2	7000	14,000
10.	Печень	ш	15	2000	30,000
11.	Толь /ширээн дээр тогтоогчтой/	ш	6	10,000	60,000
12.	Бичгийн цаас	боодол	1	20,000	20,000
13.	Бал	ш	36	1000	36,000
14.	Чихний хөвөнтэй мод	ш	2	5000	10,000
15.	Өнгөр шалгагч	ш	72	1200	86400
16.	Өргөмжлөл	ш	4	20,000	80,000
17.	4, 5, 6, 7 дугаар ангийн тэргүүн байрны шагнал	ш	2	150,000	300,000
18.	4,5, 6,7 дугаар ангийн дэд байрны шагнал	ш	2	100,000	200,000
19.	Хамгийн өндөр оноо авсан сурагчийн шагнал	ш	2	50,000	100,000
20.	Хувцаслалт, зохион байгуулалтаар шалгарсан багийн шагнал	ш	2	50,000	100,000
21.	Шүүгч, эмч нарын хоол	ш	12	20,000	240,000
	Нийт				2,455,400